

Na osnovu članka 16. stavka 3. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10) i članka 10. stavak 1. Uredbe o mjerilima, postupku i načinu ocjenjivanja rada rukovoditelja organa državne službe koje postavlja Vlada Zeničko-dobojskog kantona („Službene novine Zeničko-dobojskog kantona“, broj: 4/13), na prijedlog Povjerenstva za predlaganje ocjene rada rukovoditelja organa državne službe i drugih rukovodećih državnih službenika koje postavlja Vlada Zeničko-dobojskog kantona, imenovanog Rješenjem, broj: 02-34-14061/13 od 25.6.2013. godine i broj: 02-34-15266/13 od 10.7.2013. godine, Vlada Zeničko-dobojskog kantona na 130. sjednici održanoj dana 25.10.2013. godine,
d o n o s i

RJEŠENJE

Rukovoditelj Biznis servis centra **Đenana Čolaković** postavljena na radno mjesto sekretara Biznis servis centra, za rad i postignute rezultate u radu u periodu od 01.01.2012 - 31.12.2012. godine, **ocjenjuje se ocjenom „uspješna“**.

Obrazloženje

S obzirom da je Đenana Čolaković postavljen na radno mjesto rukovoditelja Biznis servis centra, prema proceduri provedenoj u skladu sa Uredbom o mjerilima, postupku i načinu ocjenjivanja rada rukovoditelja organa državne službe koje postavlja Vlada Zeničko-dobojskog kantona („Službene novine Zeničko-dobojskog kantona“, broj: 4/13) – u daljem tekstu Uredba, ostvarila procjenu učinka rada za 2012. godinu od (93%) imenovana se ocjenjuje sa ocjenom **uspješna**.

U skladu sa Uredbom Interresorna radna skupina provela je postupak provjere učinka, zatražila od rukovoditelja organa državne službe da dostavi sve potrebne informacije i dokumente radi izrade izvješća, te na osnovu podataka za procjenu učinka od 12.07.2013.godine, sačinila pismeno izvješće u kome je konstatovano da je prema svim kriterijima Đenana Čolaković ostvarila ukupno 93% poslova i radnih zadataka.

Imenovana je podnijela očitovanje broj: 19-34-14061-3/13 od 29.07.2013.godine na izvještaj, u kome navodi da procjena ukupno ostvarenih rezultata u izvršavanju zakona i drugih propisa, realiziranje zaključaka i drugih akata Vlade, te dopunski kriteriji nisu pravilno utvrđeni, te traži da se izvrši korekcija procenta procjene izvršenja poslova i zadataka.

Radno tijelo Vlade Kantona razmatralo je izvješće Interresorne radne skupine, očitovanje imenovane, obavilo razgovor sa imenovanom, te u skladu sa Uredbom predložilo da se ista ocjeni ocjenom „uspješna“.

Naime, imenovana je kao rukovodilac Biznis servis centra izvršavala planirane i postavljene ciljeve i zadatke iz Programa rada za 2012. godinu, ali u postupku ocjenjivanja utvrđeno je da je ista kvantitativno podnijela dovoljan broj prijedloga i inicijativa, ali svi nisu bili dovoljno kvalitetni i nisu doprinijeli ukupnom poboljšanju organa državne službe, iako su struktura zaposlenih, pozicija unutar organa kantonalne uprave, te materijalno-tehnička opremljenost ove organizacione jedinice bili u periodu ocjenjivanja na sasvim zadovoljavajućem nivou.

Komisija je razmotrila sve navode rukovoditelja BSC-a razmotrivši pri tome i predloženu metodologiju procjene u skladu sa navodima iz očitovanja, utvrđeno je da su izneseni navodi neosnovani jer su utemeljeni na očitoj subjektivnoj procjeni rukovoditelja ovog organa uprave.

S tim u vezi komisija je utvrdila da ukupna procjena učinka rukovoditelja nije samo matematički prikaz podataka iz parametara, jer je riječ o posebnoj organizacionoj jedinici Vlade Kantona, za čiji ukupan rad su relevantna kvalitativna poboljšanja iz domena povjerenih nadležnosti, a ne samo statistički prikaz podnesenog broja prijedloga i inicijativa za poboljšanje stanja.

Sukladno naprijed navedenom odlučeno je kao u dispozitivu rješenja.

Pouka o pravnom lijeku:

Protiv ovog rješenja može se izjaviti prigovor Vladi Zeničko-dobojskog kantona u roku od 8 dana od dana prijema rješenja.

Prigovor se podnosi putem Ministarstva za pravosuđe i upravu u Vladi Zeničko-dobojskog kantona.

Broj: 02-_____/13

Datum, 25.10.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Imenovana,

1x Personalni dosije,

1x a/a.